

ԱՇՈՒՂԱԿԱՆ ԵՐԳԻ ՏԱՂԱՉԱՓԱԿԱՆ ԱՐՎԵՍՏԻ
ՄԻՔԱՆԻ ՀԱՐՑԵՐԸ ԻԳԻԹԻ ԵՐԳԵՐՈՒՄ

Աշուղական երգարվեստի կարևոր առանձնահատկություններից մեկը ինքնատիպ սաղաչափությունն է, որը ժամանակի ընթացքում զարգանալով և կատարելագործվելով՝ մեզ է հասել երգային զանձերի բազմատեսակ դրսևորումներով: Գ. Լևոնյանը իր աշխատություններում հատուկ նշել է հայ աշուղական տաղաչափական արվեստի զարգացման բարձր աստիճանը ու ընդգծել դրա ուսումնասիրության անհրաժեշտությունը:¹ Սակայն տևական ընթացքում մշակված երգային տեսակների, բանաստեղծական ձևերի, կանոնների ու տեխնիկական հնարքների ավերակետում, որը աշուղի արվեստում կատարելության չափանիշ էր համարվում, ժամանակի ընթացքում կորցնում է իր կարևորությունը՝ զգալի չափով տեղի տալով հորինման սկզբունքների առաջնիկ ազատ կիրառությանը, ինչի հետևանքով էլ XX դարի աշուղական արվեստում նկատվել են դառնում նոր ժամանակներին բնորոշ բանաստեղծական ձևերի օգտագործումը ու դրա հետ մեկտեղ ժողովրդական երգերին ավելի մոտ, սեփական եղանակների ինքնուրույն հորինումը:² Յավոք, եթե Մայաթ-Նովայի, Ջիվանու, Շիրինի ստեղծագործական սկզբունքներին ինչ-որ չափով անդրադարձներ եղել են,³ ապա նոր ժամանակների երգիչ-բանաստեղծների տաղաչափական արվեստի ուսումնասիրման հարցերն առայսօր մնում են բաց, ավելին, չի արվել նաև համեմատական քննություն, ինչն էլ ենարավորություն կրճճեղի պարզել դրանց ընդհանրությունները, ինչպես նաև տարբերությունները: Այս տեսակետից որոշակի հետաքրքրություն են ներկայացնում աշուղ Իզիթի երգերը:

Նոր ժամանակների՝ խորհրդային տարիների երգիչ-բանաստեղծ Իզիթի երգերն աչքի են ընկնում հորինվածքի անկաշկանդ ազատությամբ, կառուցվածքի հստակությամբ, ու միաժամանակ մեղեդային շարադրանքի արտակարգ պարզությամբ: Զգացմունքների արտահայտման ջերմ քնարականությունը և հուզագրագողական նրբերանգների հարուստ արտահայտչականությունը այդ երգերի բնորոշ կողմերից են: Նկատենք, որ Իզիթի նույնիսկ ավանդական տաղաչափությամբ հորինված տեքստերի մեղեդիները շատ դեպքերում զրեթե սոնշություն չունեն աշուղական կանոնիկ եղանակների հետ, և նրա երգերի առանձին օրինակներ ավելի հարազատ են քաղաքային ժողովրդական երգասանդության մեղեդայինը, իսկ էվեչի ժառանգման ուղին տանում է դեպի Շերամի արվեստը:⁴

Իզիթի երգերի տաղաչափությունը կատարվել է վանկաչափական մոդելավորման մեթոդով:⁵ Նյութը՝ 35 մնուշ, վերցված է «Շիրակն իմ մուսան» ժողովածուից:⁶ Նրա հորինվածքներում գործածված են սաղաչափական տարբեր կառուցվածքներ՝ տողի բաժանման տարատեսակներով: 8, 11, 16 վանկանի տողերով հորինված երգերը, որոնք հայ աշուղներն ավելի հաճախ են գոծածել, Իզիթի երգերում նույնպես մեծ քիվ են

¹ Գ. Լ. և ռ. յ. ա. ն, Աշուղների մասին, Երևան, Եր., 1963, էջ 149:

² Շիրակի հայ աշուղներ, Կազմեց և խմբագրեց Կ. Դուրգարյանը, Եր., 1986, էջ 17:

³ Կ. Դ. ու ք. գ. ա. ռ. յ. ա. ն, Մայաթ-Նովայի հայերեն խոսքերի տաղաչափությունը, Պատմա-բանասիրական հանդես, Եր., 1963, էջ 67: Ն. Թախմիզյան, Մայաթ-Նովան և հայ գուսանաաշուղական երգ-երաժշտությունը, Drazark Press, Pasadena, 1995: Կ. Խուղարաշյան, Աշուղ Ջիվանու տաղաչափական արվեստը, «Շիրակի պատմամշակութային ժառանգությունը» հանրապետական IV գիտաժողովի զեկուցումների հիմնադրույթներ, Գյումրի, 2000, էջ 54-56: Ա. Քոչարյան, Հայ գուսանական երգեր, Եր., 1976:

⁴ Հ. Ա. փ. ի. ն. յ. ա. ն, Աշուղ Իզիթի երգերը, ԳԱԱ Շիրակի հայագիտական հետազոտությունների կենտրոնի «Գիտական աշխատություններ», հ. 6, Գյումրի, 2003, էջ 99-104:

⁵ Կ. Խ. ու դ. ա. բ. ա. շ. յ. ա. ն, Աշ. աշխ., Կ. Խուղարաշյան, Հայ ավանդական երգի տաղաչափական համակարգի հարցերի շուրջ, «Հայ ժողովրդական մշակույթ», հանրապետական IX գիտական նստաշրջան, Զեկուցումների հիմնադրույթներ, Եր., 1997, էջ 23-24:

⁶ Հ. ա. ու ս. ա. ն. Ի. գ. ի. ք., Շիրակն իմ մուսան, Երգերի ժողովածու, ծայնագրությունը Ա. Շիրյանի, Եր., 1968:

կազմում, իսկ այլևայլ չափերով՝ 15 վանկանի (5+5+5), 10 (5+5), 13 (4+4+4+1), կամ 14 խառը չափերով՝ 15 (Iստղ-5, IIստղ-5, IIIստղ-10, IVստղ-5, V ստղ-5, VI ստղ-10) վանկերով հորինված տողերը համեմատաբար սակավ են հանդիպում: Իզիքի համար հատկապես բնութագրական համարելով 8 և 11 վանկանի տողերից կազմված աներով երգերը, փորձենք անդրադառնալ դրանց տաղաչափական որոշ մանրամասնություններին: Ստորև ներկայացնում ենք 8 վանկանի տողերով հորինված երգերի բանաստեղծական կառույցների աղյուսակը՝ առդի ներքին վանկային տրոհման պատկերով.

N	Էջ	Երգի փերմագրը	չափը	առն՝ն ըստ տողերի	վանկերի տրոհումը
1	2	3	4	5	6
1	9	Իմ Երևան	3/8	4տող, տողը՝ 8 վանկ	4 + 4
2	10	Սովառական Հայաստան	4/4	4տող, տողը՝ 8 վանկ	4 + 4
3	29	Հայաստանի աղջիկները	5/4	4տող, տողը՝ 8 վանկ	4 + 4
4	42	Յաբար ո՞ր ես	4/4	4տող, տողը՝ 8 վանկ	4 + 4
5	50	Ով, ղեղափ	6/8	4տող, տողը՝ 8 վանկ	4 + 4
6	68	Նոր սպասկ հարսն ու փեսեն	6/4	4տող, տողը՝ 8 վանկ	4 + 4
7	25	Հայրիկ	4/4	4տող + կրկնակ՝ 2 տող	8 վանկ (4 + 4) 8 վանկ (4 + 4)
8	38	Մայրիկ	6/8	4 տող + կրկնակ՝ 2 տող	8 վանկ (4 + 4) 8 վանկ (4 + 4)
9	52	Գու իմ արև	6/8	3 տող + կրկնակ՝ 2 տող	8 վանկ (4 + 4) 8 վանկ (4 + 4)
10	61	Հուզուր ու մեկ նագով	4/4	3տող + կրկնակ՝ 2 տող + կրկներգ՝ 4 տող	8 վանկ (4 + 4) 8 վանկ (4 + 4) 6 վանկ (3 + 3)
11	43	Նուան զինի	6/8	4 տող + կրկներգ՝ 6 տող	8 վանկ (4 + 4) 4 վ. + 4վ. + 8վ. + 4 վ. + 4վ. + 8վ.
12	50	Համիդ մասադ	4/4	4 տող + կրկներգ՝ 4 տող	8 վ. (4 + 4) 4 վ. (2 + 2)
13	86	Հեա արի բառլանս	6/8	6 տող + կրկներգ՝ 4 տող	8 վ. (4 + 4) 6 վ. (3 + 3)

Աղյուսակում նշված 13 երգերից տասը՝ 8 վանկանի տողերից կազմված բառատող կառույցներ են, ընդ որում, դրանցից 2-ում (թ. 7, 8) բառատող, և թիվ 9-ում եռաստղ տանը հավելվել է նույն վանկաքանակի երկտող կրկնակը: Սրանք դուրևիքնեքին լնորոշ կառուցվածքներ են: Թիվ 11, 12 բառատող և թիվ 13 վեցատղանի կառույցներում բանաստեղծական տանը հավելված կրկներգերը թեև տարբեր վանկաքանակներ ունեն, բայց առանձնակի փոփոխություն չեն մտցնում երգի վանկաչափության մեջ:

Այժմ դիտարկենք 8 վանկանի տողերով կառույցների համադրությունը երաժշտական ռիթմի հետ գոգարոված, որտեղ ամանակը* ուրերորդական տևողությունն է: Ընդհանրացված պատկերն այսպիսին է.

10 ամանակ (5+5), մեկ այլ դեպքում՝ 14 ամանակ (6+8), 11 ամանակ (5 + 6)
8 վանկ (4 + 4) 8 վանկ (4+4) 8 վանկ (4 + 4)

Ըերված օրինակները ցույց են տալիս, որ երաժշտական և բանաստեղծական տողերի միջև եղած միավորների տարբերությունը մեծ չէ, որն իբրև կանոն չիմնականում հարկեցվում է ամանակադրության հավասարատևության օրենքների համեմատ:⁷ Սա իր հերթին հանգեցնում է մեղեդիական և վանկական որոշակի վախճարաբերությունների՝ աբուրահայտված բնութագրական ուրմական պատկերներով, որոնք էլ

⁷ Ա. Քոչարյան, *նշվաշխ*, էջ 24:

* Հայնավորի կամ վանկի տևողությունը կամ չափը: Հր. Աճառյան, *Հայերեն արմատական բառարան*, հ. Ա, եր., 1971, էջ 45:

⁸ Կոմիտաս, Մի բողոքիկ ակնարկ հայ ժողովրդական երաժշտության վրա (ձեռագիր) ԳԱՍԻ, Կոմիտասի դիվան:

երգերում ապահովում են մեղեդիների շարադրանքը կայուն մնալերում: Իգիթի երգերում վանկի եղանակավորումը մեծ մասամբ գուսպ է, և ծորերգվող ծավալուն վանկեր հազվադեպ են հանդիպում: 3/8, 6/8, 6/4 չափերում շարադրված մեղեդիների համար բնորոշ են վանկաչափական նույն կադապարները: Չնչին տարբերություններ կարելի է նկատել 4/4 չափում շարադրված երգերում: Վերլուծությունը վկայում է (տես Ա գծապատկերը), որ վանկաչափական նման կադապարների կարելի է հանդիպել քաղաքային երգերում ու Շերամի մոտ: Ընդհանրացված վանկաչափական կադապարները, որոնք կիրառված են 8 վանկանի տողերով երգերում, բաժանելի են մի քանի տիպերի.



Ա տիպի խմբավորման մեջ են՝ թիվ 1, 2, 3, 6, 10, 12, 13 երգերը: Իսկ Բ. տիպի մեջ՝ թիվ 4-ը, և 11-ը: Գ տիպ-ում՝ թիվ 12-ը, Դ տիպի մեջ՝ թիվ 9-ը, Ե տիպում թիվ 5-ը:

«Շիրակն իմ մուսան» ժողովածուի մեջ գետեղված երգերից 9-ը 11 վանկանի քառատող կառույցներ են՝ առանց կրկնակների և կրկներգերի: Բացառություն է «Բայկ տարեք» երգը, որում բանաստեղծական տանը հավելված քառատող կրկներգը շարադրված է 4-4, 5-5, վանկանի տողերի հաջորդմամբ.

1	2	3	4	5	6
1	17	Գուսան	4/8		4+4+3
2	27	Բարև տարեք	6/8	Կրկներգ	6+5
3	30	Տեսա	6/8		5+6 (6+5)
4	34	Իմ պառավ յարր	6/8, 5/8, 7/8, 6/8		4+4+3
5	36	Չարքիր անուշ կինս	6/8		4+4+3
6	40	Որդյակ	3/8		4+4+3
7	49	Սիրելիս	6/8		4+4+3
8	56	Ինչի համար խռովկս	6/8		4+4+3
9	59	Մարմար կրծքիս	6/8		4+4+3

Այդուսակից երևում է, որ տողը հիմնականում արտեղծվում է 4 + 4 + 3 և 6 + 5 ոտքերի:

Վանկերը երաժշտական ոտքերին միանում են հետևյալ ձևերով.

12 ամանակ (4 + 4 + 4), 15 ամանակ (5 + 5 + 5), 18 ամանակ (6 + 6 + 6).

11 վանկ (4 + 4 + 3) 11 վանկ (4 + 4 + 3) 11 վանկ (4 + 4 + 3)

17 ամանակ (5 + 6 + 6) 11 ամանակ (5 + 5 + 6),

11 վանկ (4 + 4 + 3) 11 վանկ (4 + 4 + 3)

5 + 6 արտեղծան ղեպրում՝ 18 ամանակ (8 + 10) 12 ամանակ (5 + 7):

11 վանկ (6 + 5) 11 վանկ (6 + 5)

Բերված կադապարները ցույց են տալիս, որ յուրաքանչյուր վանկի և ամանակի տարբերությունը 1 կամ 2 միավոր է: Սա նույնպես Իգիթի երգերում գործող կայուն ռիթմապատկերի արաստիպություններից է, որը պահպանվում է նաև հաջորդ II, III տներում: 11 վանկանի տողերի ընդհանրացված վանկաչափական կադապարներն են.



Հետքերակա է, որ 8 և 11 վանկանի վանկաչափական կադապարներում գրեթե չեն հանդիպում նմանատիպ պատկերները: Սա նույնպես աշտարակյան տաղաչափական

Իզիքի երգերում տաղաչափական այս ոտքերը հաճախ են գործածվում: Դրանք հանդիպում են մաև Շիրակի ժողովրդական բազմաթիվ երգերում: Մնում է մասնավորացնել, որ Իզիքի և այլ աշուղների երգարվեստի տաղաչափական առանձնահատկությունների համեմատական վերլուծության հիման վրա հետագայում կարելի է հասնել XX դարի Շիրակի աշուղական երգին բնորոշ հատկանիշների ընդհանրացման, այդ թվում մասնատաղաչափական օրինաչափությունների լատ առնայնի ճանաչմանը և տախնանմանը:

ОСОБЕННОСТИ АШУГСКОГО СТИХОСЛОЖЕНИЯ В ПЕСНЯХ ИГИТА

___ Резюме ___

___ А. Апинян ___

Одна из примечательных черт ашугского искусства-особая метрика.

Виды стихосложения, технические приемы и правила, развивавшиеся в течении многих веков, устарели, потеряли свою значимость и постепенно вышли из обихода. Ашуг Игит - певец нового времени - более свободно относится к правилам стихосложения и сочинению мелодии. В статье рассматриваются некоторые черты традиционного стихосложения в песнях ашуга.